

Na osnovu člana 98. Zakona o visokom obrazovanju (prečišćeni tekst) („Službene novine Tuzlanskog kantona“, broj: 21/21- prečišćeni tekst, 22/21- autentično tumačenje i 5/22), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2022/23. godini broj: 03- 3241-1-3/22 od 17. 06. 2022. godine, Odluke o raspisivanju Konkursa za upis studenata na treći ciklus studija na fakultete Univerziteta u Tuzli u akademskoj 2022/23. godini broj: 03-3241-1-3.3/22 od 17. 06. 2022. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2022/23. godini broj: 04-3305-1-1/22 od 15. 06. 2022. godine, a uz prethodnu saglasnost Vlade Tuzlanskog kantona broj: 02/ 1-34-13179/22 od 14. 06. 2022. godine i broj: 02/1-34-13181/22 od 14. 06. 2022. godine, raspisuje

## K O N K U R S ZA UPIS STUDENATA NA TREĆI CIKLUS STUDIJA NA FAKULTETE UNIVERZITETA U TUZLI U AKADEMSKOJ 2022/23. GODINI

### Član 1.

Na fakultete Univerziteta u Tuzli u akademskoj 2022/23. godini na treći ciklus studija upisat će se sljedeći broj studenata, *u statusu studenata koji se sami finansiraju*:

Red. br.	Naziv fakulteta Studijski program/Usmjerenje	Treći ciklus	
		minimalno	maksimalno
1.	<b>Edukacijsko-rehabilitacijski fakultet</b>	<b>3</b>	<b>20</b>
	• Specijalna edukacija i rehabilitacija	3	20
2.	<b>Ekonomski fakultet</b>	<b>12</b>	<b>28</b>
	- Marketing	3	7
	- Menadžment i upravljanje	3	7
	- Kvantitativna ekonomija	3	7
	- Digitalna ekonomija	3	7
3.	<b>Fakultet elektrotehnike</b>	<b>3</b>	<b>10</b>
	• Elektrotehnika i računarstvo	3	10
4.	<b>Fakultet za tjelesni odgoj i sport</b>	<b>3</b>	<b>10</b>
	• Kineziologija	3	10
5.	<b>Farmaceutski fakultet</b>	<b>3</b>	<b>10</b>
6.	<b>Filozofski fakultet</b>	<b>15</b>	<b>35</b>
	• Književnost	3	5
	• Lingvistika	3	15
	• Komunikologija	3	5
	• Historija Bosne i Hercegovine u 19. i 20. stoljeću	3	5
	• Socijalni rad	3	5
7.	<b>Mašinski fakultet</b>	<b>12</b>	<b>20</b>
	• Energetika i termo-fluidni inženjering		
	- Održiva energija i okolina	3	5
	- Termoenergetika	3	5
	• Proizvodno mašinstvo		

	- Industrijski inženjering	3	5
	• Mehatronika	3	5
8.	<b>Medicinski fakultet</b>	<b>3</b>	<b>20</b>
9.	<b>Pravni fakultet</b>	<b>3</b>	<b>10</b>
10.	<b>Prirodno-matematički fakultet</b>	<b>6</b>	<b>20</b>
	• Geografija	3	10
	• Biologija	3	10
11.	<b>Rudarsko-geološko-građevinski fakultet</b>	<b>12</b>	<b>20</b>
	• Rudarstvo	3	5
	• Geologija	3	5
	• Hidrotehnika	3	5
	• Građevinske konstrukcije	3	5
12.	<b>Tehnološki fakultet</b>	<b>9</b>	<b>21</b>
	• Hemijsko inženjerstvo	3	7
	• Prehrambeno inženjerstvo	3	7
	• Inženjerstvo zaštite okoline	3	7
13.	<b>Prirodno-matematički i Tehnološki fakultet</b>	<b>3</b>	<b>7</b>
	• Primijenjena hemija (zajednički doktorski studij)	3	7
	<b>UKUPNO:</b>	<b>87</b>	<b>234</b>

#### Član 2.

Pravo upisa na studijske programe trećeg ciklusa imaju kandidati državljani Bosne i Hercegovine, strani državljani i lica bez državljanstva koji ispunjavaju uslove utvrđene studijskim programima fakulteta, a koji su odgovarajuću diplomu o završenom prethodnom ciklusu studija stekli na akreditovanoj visokoškolskoj ustanovi.

Rangiranje kandidata vrši komisija koju imenuje Vijeće dokorskog studija, a na osnovu uspjeha ostvarenog na prethodnom ciklusu studija (prosječna ocjena zaokružena na dvije decimale) i drugih kriterija utvrđenih studijskim programom fakulteta.

#### Član 3.

**Prijava na Konkurs podnosi se u roku od 20. 06. do 30. 09. 2022. godine.**

**Privremena rang-lista kandidata objavit će se do 03. 10. 2022. godine.**

**Konačna rang-lista objavit će se 07. 10. 2022. godine.**

**Upis primljenih kandidata obaviti će se od 10. 10. do 14. 10. 2022. godine.**

#### Član 4.

Uz prijavu na Konkurs kandidat prilaže:

- Original ili kopiju diplome o prethodno završenom odgovarajućem drugom ciklusu studija, integriranog prvog i drugog ciklusa studija ( Medicinskog i Farmaceutskog fakulteta )/postdiplomskog studija ili uvjerenje o završenom studiju u slučaju da visokoškolska ustanova još nije izdala diplomu, ovjerenu kod nadležnog općinskog organa ili notara;

- Uvjerenje visokoškolske ustanove o dužini trajanja studija iz prethodne alineje, kao i dodatak diplomi za lica koja su završila drugi ciklus studija po Bolonjskom sistemu studiranja,

- Uvjerenje o uspjehu na postdiplomskom studiju (za lica koja su završila studij po ranijem sistemu studiranja),

- Izvod iz matične knjige rođenih,

- Uvjerenje o državljanstvu, ne starije od 6 mjeseci.

#### Član 5.

Lica koja su diplomu integriranog prvog i drugog ciklusa studija/drugog ciklusa/postdiplomskog studija stekli u inostranstvu, u obavezi su podnijeli zahtjev za akademsko priznavanje inostrane isprave-diplome u svrhu nastavka obrazovanja na Univerzitetu u Tuzli.

Obrazac Zahtjeva za akademsko priznavanje inostrane kvalifikacije u svrhu nastavka obrazovanja na Univerzitetu u Tuzli može se preuzeti na web stranici [www.unitz.ba](http://www.unitz.ba)

#### Član 6.

Studenti trećeg ciklusa studija (državljeni BiH, strani državljani i lica bez državljanstva) upisani u akademskoj 2022/23. godini, plaćaju školarinu u visini utvrđenoj Odlukom Upravnog odbora Univerziteta u Tuzli broj: 04-3305-1-1/22 od 15. 06. 2022. godine (možete pronaći na [www.unitz.ba](http://www.unitz.ba)) na koju je Vlada Tuzlanskog kantona dala prethodnu saglasnost broj: 02/1-34-13181/22 od 14. 06. 2022. godine.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, utvrđenu Odlukom nadležnog organa Univerziteta, u skladu sa studijskim programom.

#### Član 7.

Rang-lista kandidata objavljuje se na oglasnoj ploči i web stranicama fakulteta i Univerziteta.

Na objavljenu privremenu rang-listu kandidati mogu uložiti pismeni prigovor naučno-nastavnom vijeću fakulteta, a isti se predaje putem studentske službe fakulteta, u roku od 3 dana od dana objavljivanja privremene rang-liste.

Konačnu Odluku po prigovoru donosi naučno-nastavno vijeće fakulteta koju dostavlja podnosiocu prigovora.

Konačna rang-lista objavljuje se na oglasnoj ploči i web stranici fakulteta.

Upis primljenih kandidata vrši se na osnovu konačne rang-liste.

#### **Primljeni kandidati pri upisu prilažu :**

- Popunjen upisni materijal: prijavni list, upisni list, semestralni list i upisnicu indeks, te dvije kolor fotografije formata za indeks,
- Ljekarsko uvjerenje (osim za upis na Fakultet za tjelesni odgoj i sport koji su ga priložili uz prijavu),
- Kopiju uplatnice o uplati školarine za upis u prvi semestar.

#### Član 8.

Prijave na Konkurs sa potrebnom dokumentacijom podnose se do **30. 09. 2022. godine**, putem studentske službe fakulteta ili preporučeno putem pošte, na adresu fakulteta, sa naznakom „**Prijava na Konkurs za upis na treći ciklus studija**“.

**Obrazac prijave na Konkurs može se preuzeti na web stranici Univerziteta [www.unitz.ba](http://www.unitz.ba) ili u Skriptarnicama Univerziteta na Tehnološkom i Filozofskom fakultetu.**

**Neblagovremene i nepotpune prijave neće se uzeti u razmatranje.**

Detaljnije informacije o studijskim programima, uslovima upisa, te pregledu potrebne dokumentacije koja se obavezno prilaže uz prijavu, dostupne su na web stranici i studentskoj službi fakulteta.

Upisani kandidati zaključuju sa Univerzitetom ugovor o studiranju.

Po završetku trećeg ciklusa studija stiče se **diploma doktora nauka** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj: 17/20).